

TE KAKAI NAKON Jimena's N TE TEMBORA

Iroun Glenda Mendez de Lopez
(E boboto i aon te karaki ae koaua)



E nakonnano Jimena. Ma E ataia bwa e kona ni buokiia te Uea.

E riki te karaki aei i Guatemala.

Jimena e tamwarake n rinnako inanon te kaa ao e kabaea roona. Neiei ma ana karo iaon kawaia nakon te tembora. Aio bon ana moan tai ni karaoa te bwabetito n te tembora. Papi e na bwabetitoia ibukiia aia bakatibu tabeman. E korakora ingaingana ao n aki kona n kan tataninga!

Ma imwiina Jimena e iangoa te bwai are e na karika namakinan te nakonnano. "Papi," e taku, "tera aron au bwam?"

Jimena iai irouna te tioka ae te karinan 1. Ngkana e na tiku ni marurung, e na kabongana

n tainako bwamin te insulin ni buoka tianakin te tioka n raraana. Ngkana e kanakoa n te tai ae maan n aki kabongana, e na bon aoraki.

"A kona ni kariaia bwa N na kabongana inanon te tembora?" E titiraki Jimena. E rikirake n tata buroona. "Tera arona ngkana I a tebo n te ran?"

"E na bon NAKORAOI," e taku Papi. "Ko kona ni kabongana am bwam ni karokoa ko nang tebo n te ran. Imwiina Mamá e kona ni buokiko ni kaokia n te tai naba are ko otinako iai."

E katoutoua atuna Mamá. "Ao ngkana ko a namakina te aoraki ngkai ko karaoa te

bwabetito, ti tuanga Papi ao ko kona ni katokia." Ekoona baina tinana. "Tina bon raoniko n tainako."

"E NAKORAOI," e taku Chung. Neiei e teimatoa n nakonnano. Ma Tinana ao Papi a tia ni buokia ni karaua nanona.

Ngke a roko, Jimena e taua bain Tinana ao Papi ngke a nakonako nako mataroan te tembora. Bon te tai naba are a rinako inanona, Jimena e namakina te aabue, ao te raunnano. E ataia bwa te Tamnei ae Raoiroi e tuangnga bwa Tamana are i Karawa e na buokia, e ngae ngke e nakonnano. A NAKORAOI bwaai ni kabane, n aron are e taku Papi.

E oneia Jimena nakon kunikai aika a mainaina. Imwiina e buoka Jimena tinana ni kanakoa ana bam. "Bon tii inanon tabeua te miniti," e taku Tinana. E rabwata Jimena.

Jimena e tei inanon te ran. Papi e tataningaia. E kanakoa baina ao e buokia n ruo rikaaki n te kai n tamwarake.

Papi e taekina te tataro ni bwabetito ao e kateboa Jimena iaan te ran. Ngke e otirake, e moangare Jimena. Imwiina a karaoi tabeua riki bwabetito.

"Ko namakina te NAKORAOI?" Papi e wirikiriki i taningana.

"Eng!" e taku Jimena.

Papi e bwabetitoia ibukiia tabeman riki aomata.

"Ko kona ni karaoi riki?" e manga titiraki.

"Eng!" e taku Jimena.

Imwiin te kabanea ni bwabetito, e buoka Jimena Tinana ni kaoka ana bam ao e tuoia tiokana. E wii-ngare Tinana. E tiku n arona! Kaanga titebo ma e aki te roko ni kanakoa ana bam Jimena.

Imwiina a nakon te ruu ae uarereke. Papi e kato-kai baina iaon atuun Jimena. E kamatoa bwa te membwa n ana Ekaretia Iesu Kristo ibukiia Aika Itiaki ni Boong aika Kaitira ibukiia aomata ake a tia ni mate ake e a tia ni bwabetitoaki ibukiia. N te tai aei ana bakatibu a kona n rineia bwa a na kaaina ana Ekaretia Iesu Kristo!

N te kainutu n te tairiki n te wiiki are imwiina, Jimena ao ana karo a maroroakina mwanangaia nakon te tembora. "Te tembora bon Ana auti te Uea," e taku Papi. "Ngkana ti nako, ti kona ni karekei kakai inanon maiura."

"Tera aekakin kakai?" e titiraki tarin Jimena ae uarereke, Pablo.

"E nako nanou ngke N na kanakoa bwamin te Insulin ngke N nang rin n te ran," e taku Jimena. "Ma ngke I a karaoa te bwabetito, I aki roko n te namakina te aoraki. Bon te kakai!" E moangare Jimena. "Ao e ngae ngke I maaku, te Tamnei ae Raoiroi e buokai ni kabebeteai. Anne naba te kakai." ●



Nningai ae e a tia iai te Tamnei ni buokiko n namakina te rau?